


Baybul fo Pikin Den
de bring kam to yu



Noa en di Gret
Ebi Ebi Ren



Na Edward Hughes rayt am.

Na Byron Unger, Lazarus,
Alastair Paterson dayrɛkt am.

Na Bob Davies; Tammy S. adapt am.

Na www.christian-translation.com translet am.


Na Bible for Children Prodyus am.
www.M1914.org

©2023 Bible for Children, Inc.


Laysens: Yu gɛt rayt fɔ kɔpi ɔ print dis stori,
as long as yu nɔ sɛl am.



Noa na bin man we bin de
wɔship God. Olman bin et en
nɔ obe God. Wan de, God bin
tɔk sɔntin we mek i sɔprayz.
God tɛl Noa se: "A go pwɛl dis
wikɛd wɔl. Na yu famili nɔmɔ
go sev."




God bin won Noa se big big wata go kam
en koba di wol. Den tel Noa se: "Bil wan
wud ak, bot we big fo yu famili en boku
animal den." God bin gi Noa di rayt
tin den fo du. Noa bin bizi!



I go bi se pipul
dɛn bin de provok
am we Noa bin
de eksplen wetin
mek i de
mek ak.

Noa bin
kontinyu fɔ bil.
I bin kontinyu fɔ
tɛl pipul dɛn bak
bot God. Nɔbodi
nɔ bin lisin.




Noa bin gɛt bɔku fet. I bin
biliv God pan ɔl we ren nɔ
bin ɛva kam bifo. I nɔ tu te,
di ak bin rɛdi fɔ lod di tin
dɛn we dɛn nid.




Naw di animal den kam. God bin bring sevin pan som
kayn animal den, tu oda wan den. Bod den we big en
smol, animal den we smol en long bin de go
na di ak.




Sontem di pipul den bin de ala pan
Noa we i de lod di animal den.
Den no bin stop fo sin agens
God. Den no bin aks
fo go insay di ak.






Fɔ dɔn, ɔl di
animal ɛn bɔd
dɛn bin de insay
di bot. Gɔd invayt
Noa se: "Kam insay
di ak. Yu ɛn yu famili."
Noa, in wɛf, in tri bɔy pikin
dɛn ɛn dɛn wɛf dɛn go insay
di ak. Dɔn Gɔd lɔk di domɔt!



A line drawing of a building with a window. The building is composed of several parallel lines sloping downwards from left to right. A rectangular window with horizontal lines is positioned on the side of the building. To the left of the building, there is a wavy line that looks like a roof or a decorative element. The drawing is simple and uses only black lines on a white background.

Dɔn di ren kam. Wan
big big ren bin sok di
wɔl fɔ fɔti dez en nɛt.





Flod wata bin de ron oba tɔŋ ɛn
vilej dɛn. We di ren stop, ivin di
mawnten dɛn bin de ɔnda wata.
ɔltin we bin de blo di briz bin day.






As di wata de go op, di ak
bin de flot op. I go bi se i
bin dak insay, sɔntɛm i bin
gɛt bɔmp, ɛn sɔntɛm i bin
ivin de mek pɔsin fred. Bot
di ak bin protɛkt Noa from
di wata we bin de rɔn.




Afta fayv mōnt we wata bin de rōn, God
sēn briz we de dray. Smōl smōl, di ak
kam rēst ay ay wan na di mawnten
dēn na Ararat. Noa bin de insay foti
dez bak as di wata bin de go dōŋ.



Noa sɛn wan revɛn ɛn wan dɔv kɔmɔt na
di ak in winda we opin. Bikɔs di dɔv nɔ bin
fɛn dray klin ples fɔ rɛst, i go bak to Noa.






Afta wan wik, Noa bin
tray bak. Di dɔv kam bak
wit nyu oliv lif na in mɔt.
Di nɛks wik, Noa bin no se
di wɔl dɔn dray bikɔs di dɔv
no kam bak.




God tɛl Noa se na tɛm fɔ lɛ i kɔmɔt na di ak. Noa
ɛn in famili bin ɔndo di animal dɛn togɛda.



Noa go mɔs dɔn
rili gladi! I bil ɔlta
ɛn wɔship Gɔd
We bin sev in ɛn
in famili from di
bad bad wata
we bin kam.





God bin gi Noa
wan wɔndaful
promis. I nɔ go
ɛva sɛn wata igen
fɔ jɔj mɔtalman sin.

God bin gi wan big
mɛmba bot In promis.
Di renbo na bin sayn
fɔ God in promis.



Noa en in famili bin
get nyu tin den fo begin afta di Ebi
Ebi Ren. As tem de go, in pikin
den bin get pipul den bak na di
wan ol wol. Ol di neshon den
na di wol komot from Noa
en in pikin den.



Noa ɛn di Gret Ebi Ebi Ren

Wan stori we kɔmɔt na God in Wɔd, di Baybul,
wi go fen am insay

Jɛnɛsis 6-10

“Di domɔt usay yu wɔd de na in de gi layt.”
Sam 119:130



Na Ya So I Tap

3

60



Dis Baybul stori de tɛl wi bɔt wi wɔndaful Gɔd
we mek wi ɛn we want mek yu no am.

Gɔd no se wi dɔn du bad tin, we i kɔl sin. Di pɔnishment fɔ
sin na day, bɔt Gɔd lɛk yu so i sɛn in wangren Pikin, Jizɔs,
fɔ day pan Krɔs ɛn pɔnish yu fɔ yu sin. Dɔn Jizɔs kam bak
na layf ɛn go na os na ɛvin! If yu biliv pan Jizɔs ɛn aks am
fɔ fɔgiv yu sin, I go du am! I go kam ɛn liv insay yu naw,
ɛn yu go liv wit am sote go.

If yu biliv se dis na di tru, tɛl Gɔd dis: Diya Jizɔs, a biliv se
Yu na Gɔd, ɛn bi man fɔ day fɔ mi sin dɛn, ɛn naw Yu de
liv bak. Duya kam na mi layf ɛn fɔgiv mi sin dɛn, so dat a
go gɛt nyu layf naw, ɛn wan de a go de wit Yu sote go. ɛp
mi fɔ obe Yu ɛn liv fɔ Yu as Yu pikin. Amen.

Rid di Baybul ɛn tɔk to Gɔd ɛvrɛde! Jɔn 3: 16

